

Ullutsinnut naleqquttumik ingerlatsinikkullu illersorneqarsinnaasumik Inuusuttut Inuiaqatigiinni Kiffartuussisarnerisa eqquteqqinneqarnissaanik inassuteqaasiortussamik suleqatigiissitamik Naalakkersuisut pilersitseqqullugit peqquneqarnissaanik Inatsisartut aalajangiiffigisassaattut siunnersuut. Inerpera Inatsisartunut saqqummiunneqassaaq UKA2017-imi.

(Siumup Inatsisartunut ilaasortaaitai)

Inatsisartunut aaliangiiffigisassatut siunnersuut Naalakkersuisut UPA 2017-imut peqquneqassasut inuusuttut 16-iniit 29-nik ukiullit ilanngullugit suliffissarsiortutut allatsissimasut, ilinniagaqalernissaat suliffittaarnissallu siunertaralugu immikkut ittumik pilersaarusiussasut.

(Inatsisartunut ilaasortaq Iddimanngiiu Bianco, Inuit Ataqtigiit)

Akissuteqaat

(Inuussutissarsiornermut, Suliffeqarnermut, Niuernermut, Nukissiuuteqarnermut Nunanullu Allanut Naalakkersuisoq)

Aappassaaneerpera

Naalakkersuisut qujassutigaat ataatsimiititaliap siunnersuutini taakkuninnga marlunnik peqqissaartumik suliarinnissimanera.

Naalakkersuisut paasivaat ataatsimiititaliap siunnersuutit tusaatissatut tigugaat, tassa aalajangiiffigisassatut siunnersuutit saqqummiunneqartut tamarmik sulianik ingerlasunik ilaareersut, kiisalu ataatsimiititaliami ilaasortat isumaqatigiillutik siunnersuutit tamaasa akuerineqarnissaanut inassuteqartut.

Ataatsimiititaliap isumaliutissiissummini siunnersuutit tamaasa akuerineqarnissaanut inassuteqarnerat tunngavigalugu Naalakkersuisut siunnersuutip akuersissutigineqarnissaa inassutigissavaat.